

歷代大儒詩鈔卷二十九

滇西趙州後學谷際岐西阿甫彙鈔

魏子一

受業諸子

男

全校

欽定宋史儒林列傳

魏了翁字華父邛州蒲江人年數歲從諸兄入學儼如成人少長英悟絕出口誦千餘言過目不再覽鄉里稱為神童年十五著韓愈論抑揚頓挫有作者風慶元五年登進士第時方諱言道學了翁策及之授僉書劍南西川節度判官廳公事盡心職業嘉泰二年召為國子歷代大儒詩鈔卷二十九

魏子一
受業諸子
男
全校

正明年改武學博士開禧元年召試學士院韓侂胄用事謀開邊以自固徧國中憂駭而不敢言了翁乃言國家紀綱不立國是不定風俗苟偷邊備廢弛財用彫耗人才衰弱而道路籍籍皆謂將有北伐之舉人情恟恟憂疑錯出金地廣勢強未可卒圖求其在我未見可以勝人之實盍亦急於內修姑道外攘不然舉天下而試於一擲宗社存亡係焉不可忽也策出眾大驚改祕書省正字御史徐枋即劾了翁對策狂妄獨侂胄持不可而止明年遷校書郎以親老乞補外乃知嘉定府行次

歷代大儒詩鈔

卷二十九

魏子一

一

采蘭堂

江陵蜀大將吳曦以四川叛了翁策其必敗明年吳曦
誅蜀平了翁奉親還里侂冑亦以誤國誅朝廷收召諸
賢了翁預焉會史彌遠入相專國事了翁察其所爲力
辭召命丁生父憂解官心喪築室白鶴山下以所聞於
輔廣李燾者開門授徒士爭負笈從之由是蜀人盡知
義理之學差知漢州漢號爲繁劇了翁以化善俗爲治
首蠲積逋二十餘萬除科抑賣酒之弊嚴戶婚交許之
禁復爲文諭以厚倫止訟其民敬奉條教不敢犯會境
內橋壞民有壓死者部使者以聞詔降官一秩主管建
歷代大儒詩鈔

卷二十九

魏子

二

采蘭堂

寧府武夷山冲佑觀未數月復元官知眉州眉雖爲文
物之邦然其俗習法令持吏短長故號難治聞了翁至
爭試以事乃尊禮耆耆考簡拔俊秀朔望詣學宮親爲講
說誘掖指授行鄉飲酒禮以示教化增貢士員以振文
風復葺頤堰築江鄉館利民之事知無不爲士論大服
俗爲之變治行彰聞嘉定四年擢潼川路提點刑獄公
事八年兼提舉常平等事遷轉運判官戢吏姦詢民瘼
舉刺不避權右風采肅然上疏乞與周惇頤張載程顥
程頤錫爵定謚示學者趣向朝論韙之如其請遂寧闕

守了翁行郡事卽具奏乞修城郭備不虞廷議靳其費
了翁增埤浚隍如待敵至者後一年潰卒攻掠郡縣知
其有備不敢逞人始服預防之意十年遷直祕閣知瀘
州主管潼川路安撫司公事丁母憂免喪差知潼川府
約已裕民厥績大著若游似吳泳牟子才皆蜀名士造
門受業十五年被召入對疏二千餘言首論人與天地
一本必與天地相似而後可以無曠天位并及人才風
俗五事明白切暢又論郡邑強幹弱枝之弊所宜變通
蓋自了翁去國十有七年矣至是上迎勞優渥嘉納其
歷代大儒詩鈔

卷十九

魏子

三

采蘭堂

言進兵部郎中俄改司封郎中兼國史院編修官轉對
論江淮襄蜀當分爲四重鎮擇人以任虛心以聽假以
事權資以才用爲聯絡守禦之計次論蜀邊墾田及實
錄闕文等事皆下其章中書十六年爲省試參詳官遷
太常少卿兼侍立修注官十七年遷祕書監尋以起居
舍人再辭而後就列入奏極言事變倚伏人心向背疆
場安危鄰寇動靜其幾有五謂宜察時幾而共天命尊
道揆而嚴法守集思廣益汲汲圖之不猶愈於坐觀事
會而聽其勢之所趨乎又論士大夫風俗之弊謂君臣

上下同心一德而後平居有所補益緩急有所倚仗如人自爲謀則天下之患有不可終窮者今則面從而腹誹習諛而踵陋臣實懼焉盍亦察人心之邪正推世變之倚伏開拓規模收拾人物庶幾臨事無乏人之歎其言剴切無所忌避而時相始不樂矣寧宗崩理宗自宗室入卽位時事忽異了翁積憂成疾三疏求閒不得請遷起居郎明年改元寶慶雷發非時上有朕心終夕不安之語了翁入對卽論人主之心義理所安是之謂天非此心之外別有所謂天地神明也陛下盍卽不安而

歷代大儒詩鈔

卷十九

魏子一

四

采蘭堂

求之對天地事父母見羣臣親講讀皆隨事反求則大本立而無事不可爲矣又論講學不明風俗浮淺立朝無犯顏敢諫之忠臨難無仗節死義之勇願敷求碩儒丕闡正學圖爲久安長治之計又請申命大臣於除授之際公聽並觀然後實意所孚善類皆出矣屬濟王黜削以死有司顧望治墓弗虔了翁每見上請厚倫紀以弭人言應詔言事者十餘人朝士惟了翁與洪咨夔胡夢昱張忠恕所言能引義劇上最爲切至而了翁亦以疾求去右正言李知孝劾夢昱竄嶺南了翁出關餞別

遂指了翁首倡異論將擊之彌遠猶外示優容俄權尙書工部侍郎了翁力以疾辭乃以集英殿修撰知常德府越二日諫議大夫朱端常遂劾了翁欺世盜名朋邪謗國詔降三官靖州居住初了翁再入朝彌遠欲引以自助了翁正色不撓未嘗私謁故三年之間循格序遷未嘗處以要地了翁至靖湖湘江浙之士不遠千里負書從學乃著九經要義百卷訂定精密先儒所未有紹定四年復職主管建寧府武夷山冲佑觀五年改差提舉江州太平興國官尋知遂寧府辭不拜進寶章閣待

歷代大儒詩鈔

卷二十九

魏子一

五 采蘭堂

制潼州路安撫使知瀘州瀘大藩控制邊面二千里而武備不修城郭不治了翁乃奏葺其城樓櫓雉堞增置器械教習牌手申嚴軍律興學校蠲宿負復社倉勸義塚建養濟院居數月百廢具舉彌遠薨上親庶政進華文閣待制賜金帶因其任了翁念國家權臣相繼內擅國柄外變風俗綱常淪斃法度墮弛貪濁在位舉事弊蠹不可滌濯遂應詔上章論十弊乞復舊典以彰新化一曰復三省之典以重六卿二曰復二府之典以集眾議三曰復都室之典以重省府四曰復侍從之典以來

忠告五曰復經筵之典以熙聖學六曰復臺諫之典以
公黜陟七曰復制誥之典以謹命令八曰復聽言之典
以通下情九曰復三衙之典以彊主威十曰復制閩之
典以黜私意疏列萬言先引故實次陳時弊分別利害
粲若白黑上讀之感動卽於經筵舉之成誦其後舊典
皆復其初臣庶封章多乞召遷了翁及真德秀上因民
望而並招之用了翁權禮部尙書兼直學士院入對首
乞明君子小人之辨以爲進退人物之本以杜姦邪窺
伺之端次論故相十失猶存又及修身齊家選宗賢建
歷代大儒詩鈔

卷二十九

魏子一

六

采蘭堂

內小學等皆切於上躬者他如和議不可信北軍不可
保軍實財用不可恃凡十餘端復口奏利害畫漏下四
十刻而退兼同修國史兼侍讀俄兼吏部尙書經幃進
讀上必改容以聽詢察政事訪問人才復條十事以獻
皆苦心空臆直述事情言人所難上悉嘉納且手詔獎
諭又奏乞收還保全彌遠家御筆乞定趙汝愚配享寧
廟乞趣崔與之參預政事乞定履畝之命以寬民力乞
詔從臣集議以揅諸弊乞儲闔才以備緩急又因進故
事如儲人才疑國論如力圖自治之策如下罪己之詔

如分別襄黃二帥是非如究見黃陂叛卒利害如分任諸帥區處降附還朝六閱月前後二十餘奏皆當時急務上將引以共政而忌者相與合謀排擯而不能安於朝矣執政遂謂近臣惟了翁知兵體國乃以端明殿學士同僉書樞密院事督視京湖軍馬會江淮督府曾從龍以憂畏卒併以江淮付了翁朝論大駭以爲不可三學亦上書爭之適邊警沓至上心焦勞了翁嫌於避事既五辭弗獲遂受命開府宣押同二府奏事上勉勞尤至尋兼提舉編修武經要略恩數同執政進封臨邛郡

歷代大儒詩鈔

卷二十九

魏子

七

采蘭堂

開國侯又賜便宜詔書如張浚故事朝辭面賜御書唐人嚴武詩及鶴山書院四大字仍賜金帶鞍馬詔宰臣飲餞於關外乃酌上下流之中開幕府江州申徽將帥調遣援師喪死事之臣黜退懦之將奏邊防十事甫二旬召爲僉書樞密院事赴闕奏事時以疾力辭不拜蓋在朝諸人始謀假此命以出了翁旣出則復以建督爲非雖恩禮赫奕而督府奏陳動相牽制故遽召還前後皆非上意也尋改資政殿學士湖南安撫使知潭州復力辭詔提舉臨安府洞霄宮未幾改知紹興府浙東安

撫使嘉熙元年改知福州福建安撫使累章乞骸骨詔
不允疾革復上疏門人問疾者猶衣冠相與酬答且曰
吾平生處已澹然無營復語蜀兵亂事蹙額久之口授
遺奏少焉拱手而逝後十日詔以資政殿大學士通奉
大夫致仕遺表聞上震悼輟視朝歎惜有用才不盡之
恨詔贈太師諡文靖賜第宅蘇州累贈秦國公所著有
鶴山集九經要義周易集義易舉隅周禮井田圖說古
今考經史雜抄師友雅言

欽定國子監志

歷代大儒詩鈔

卷二十九

魏子一

八

采蘭堂

國朝雍正二年增祀

詩

謹案鶴山先生大全文集一百一十卷首列詩
十二卷自卷一至六載五古一百二十九首七
古六十九首自卷七至十二載五律二十一首
七律一百七十三首五絕六首七絕二百九十
六首六言二首又卷九十二載挽詩一百五十
一首俱分體總詩八百四十七首今鈔四百二十五首

古詩

登萬象樓和計次陽韻

塵纓羈我身。對景慵著語。青山喚倚欄。壯氣臨穎汝。層雲卷油幕。萬嶺眇煙縷。酒闌一橫笛。樓前葉自雨。

和虞永康美功堂詩

我曾寄徑城南州。果店纂纂香浮浮。雲開千仞雪山白。月照萬古滄江流。我時未得江山意。但愛高明甲西州。十年重來是耶非。獨覺真意爛不收。虞侯著堂發幽悶。豈但清與耳目謀。川流滾滾來不斷。雲物疊疊生無休。旣從靜壽識至樂。復於嘆逝希前修。

張景陽詩川上之嘆逝前修以自勗

注修脩通用

遊人翕翕滿江頭。隨所適處心悠悠。童子長佩

歷代大儒詩鈔

卷二十九

魏子

九

采蘭堂

牽江籬。女兒縫裙學石榴。没人揚波白魚躍。舟子競渡蒼龍繆。田翁野婦看兒戲。詠歸山暝風作秋。固亦有志感時節。欲起湘纍問靈脩。人人得處自深淺。江山於爾無顯幽。堂上主賓亦復爾。各各會意風冷飈。宇宙無窮本如此。我亦皓然希天遊。

次韻史少莊竹醉日移竹

豔豔酒粧鬪姚魏。冥冥花影逢石丁。醉生夢死何如竹。

三百五十九日醒

清如杜叟日卓午。直似姜公詩作丁。冰雪容顏儼相值。

霸陵醉尉也須醒。

平生自許歲寒操。醉日移來三十丁。底似此君亦移轉。連明風雨喚教醒。

猩屐常爲醉魂役。驪珠適與睡時丁。外物移人每如此。人心可使不長醒。

安大使丙生曰

往年天壓西南垂。妖氣內訌胡塵飛。梟狐陸梁士扼腕。蜀山慘澹無光輝。公以空拳嬰乳虎。漠漠黃雲闇平楚。直將天理感人心。徑斬賊頭報明主。露布東馳人嘯呼。

歷代大儒詩鈔

卷二十九

魏子一

十

采蘭堂

京師觀者環儲胥。天顏有喜近臣賀。大官高爵來須臾。中興以來幾變異。宗祏之存如旒綴。平江羽檄走凶雛。采石鰲船戮狂獠。至今勛名滿華夷。與公鼎立書旂彝。公方退然不自居。憂國之鬢紛如絲。天之生公爲社稷。南山不騫石。不泐願公早歸相。天子赤舄晨朝容。几几

際岐謹案詩家慶視弔挽多涉應酬一派選家每不欲採今鶴山集中獨多生日之作考當時邊備廢馳又誤於和議止圖苟安先生既屢上疏欲儲闔才以備緩急又於一時將帥之臣諄諄激勵肯暇作一尋常慶祝語前代詩人飯不忘君止一少陵今魏子詩無一語不關國是真大儒名臣表建豈僅以詩史尊之乎

錢章郎中燮以浙東倉歸湖州

武陵城中春事濃。棟花欲開未開風。常平使者謝朝列。
袖有英蕩吾將東。披孔翠裘上馬去。錦鞵旻爚三花驄。
先攜令名作鄉繡。卻把仁念爲倉紅。世人機淺嗜欲深。
便從扶木窮高春。朝余蒼梧夕縣圃。何以緩轡搖冬瓏。
曩余除官本同署。至自萬里驚燕鴻。諸公祖筵亂平湖。
復我不往心忡忡。君今姑爲粵人行。明年歸朝儻及同。
送字文侍郎紹節知廬州

歷代大儒詩鈔

卷二十九

魏子一

十一

采蘭堂

榮保妻子是固人所賤。或者倖邊功橫行。請十萬問學。
不素講。利欲所薰。愀紅旗與黃紙。勇怯無定論。淮浦脣。
大江九重重分閫。容臺少常伯。忠孝在寢飯。帝謂吾先。
正嘗遺蠟書。恨汝今其聞。孫未報君父。怨九旗下青真。
往爲忠義勸。再拜亟祇命。當仁不敢遜。黃金絡馬頭。茸。
纛立憲憲。先聲靡塞垣。虜師不足遁。隣里會方山。疎余。
且有獻。裴相昔守淮。董師征回鄆。兵端實蔡啟。深入非。
始願。況今徂承平。士氣方曼曼。民力苦剋創。帥債未折。
券如弱者禦盜高。墉守關。槌破羗。趙營田勝楚。何繕堰。

但當強精神。勿與角勇健。功名不入眼。兩鬪待共困。卻攜令名歸。太平待公建。

題謝耕道耘一犁春雨圖

牀頭夜雨滴。到明村南村。北春水生老。婦攜兒出門去。老翁赤腳呵牛耕。一雙不借挂木杪。半破未須衝泥行。耕罷洗泥枕犢鼻。卧看人閒鬻觸爭。

送趙編修大全知眉州分韻登字

炎燁燦穹昊。火雲助其蒸。冠巾拂塵土。庭戶喧蟲蠅。便面不停舉。泥故填吾塵。其閒寂寞人。隨念生涼冰。涼意

歷代大儒詩鈔 卷二十九 魏子一 主 采蘭堂

方未透。一夕三四興。造物解人意。如叫呼得響。越鄉萬里回。令名作先登。固知洒洒者。得喪初何曾。賢者於本朝。曉宿垂瓠稜。今日送樞椽。明日辭禮丞。采采不盈掬。引去何如陵。百憂結中腸。坐挑短檠燈。趙為編修官常欲避蘇師且會師旦建節即止

題劍門

江有瞿唐限。陸有雙劍蹲。如熊羆當道。如虎豹守閭。屹然東北隅。莫此西南坤。昔歲在單閼。白日塵沙昏。人心不足倚。恃此兩長垣。舟車之出入。筦鑰有司存。御艫下

魚復委轡充劍門。藪逋乃如此。天險何足言。況於多蹊。隧不逮。昔所聞。烈烈張睢陽。英英顏平原。古之善守國。人心以爲藩。

題大安軍楊寶謨旌忠廟

范陽一夕鼙鼓鳴。莽然河朔惟孤城。姓名徹聞帝猶謂。我乃不識顏真卿。人才所用非所養。自昔然矣奚獨神。肘間銀黃挂三組。腰間犀玉圍萬釘。養癰護疾皆此輩。事危先及城。郭臣求仁得仁。性情正可死。無死分。義明豈徒一時折羣醜。將與萬世開太平。我嘗辱交於神者。歷代大儒詩鈔卷二十九

魏子二

三

采蘭堂

寤寐精爽如平生。過祠解后日端午。昌歎之酒芬兮清。要呼湘纍徑同醉。毋使二子稱獨醒。

送二兄三兄赴庭對

吾家令兄弟。異氏而同氣。雅知義利分。不作溫飽計。天子龍飛春。了翁對軒陛。柄臣方擅朝。黨論如鼎沸。軋軋不能休。一揮三千字。植治貴和平。用人戒偏陂。天子擢第一期。以風有位。尋寘之三人。仍詔恩禮視。後此者三千。東瞻復聯第。天子方諒闇。有言不得試。歲行在協洽。文翁陳讜議。惟知守家學。寧顧觸時忌。雖不第甲乙。自

謂儻無愧。古人爲己學。何有於富貴。窮則獨善身。仕將
以行義。兩兄西南彥。九牧將倒指。平生剛直胸。毋以科
舉累矧逢主聽寬。寧復懷顧畏。厥今果何事。請略陳一
二。內無王文正。誰與理家事。外無韓忠獻。誰與飭戎備。
熒惑守羽林。震雷詫冬瑞。天象已云然。人事猶爾耳。劈
析爲上言。卓哉朝陽喙。卻攜令名歸。爲親一啟齒。

王總領銘生日

古來五大不在邊。國家長慮初解絃。西南計臣授鐵鉞。
獨以一手擎半天。三邊將士趨節制。百城吏民服威惠。

歷代大儒詩鈔

卷二十九

魏子二

丙

采蘭堂

載宣寬詔問無恙。扶藜往聽翁顏喜。我圖爾土居未治。
室家僅葺風雨欺。波濤沄沄逐風靡。山色澹澹憂陵夷。
機空絡緯那可織。微穿虎豹誰能識。秦門夕燧雖平安。
燕帳秋弓未休息。翁顏且喜舊觀還。尙恐世事愁無端。
祝公爲民久遠慮。憂顧期使西南寬。美官厚祿等閒耳。
得君得時不易然。君不見富公在青州。多於中令廿四
年。

次韻李參政

璧

湖上雜詠錄寄龍鶴墳廬

龍鶴在吾西。昔年班荆處。乃今五斗米。繫之不得去。冬

夜那可晨。斜河耿高樹。

木落天宇空。野迴江水碧。誰與驅四運。昨夕復今夕。君看瀛海內。壽考匪金石。

聖死微言湮。千載迷津涯。浮驂遍八極。日暮猶伊啞。大道如掌平。人苦不識家。

南山高崔嵬。草樹蔚喬林。雲橫日曢曢。蟬鳴谷陰陰。夏然丹鳳唳。爲我作好音。時聞真景元直前奏事

西山有佳人。慣踏水下路。晨吟澤畔雲。午睡巖前雨。莫使兒輩覺。奪我林壑趣。

歷代大儒詩鈔

卷十九

魏子一

五

采蘭堂

仲尼趨聘召。季路奚不憚。分量固爾殊。何傷於遍歷。自揣或未能。莫如只堅白。

皇天平四時。先春而後秋。寒威奪仁氣。慘慘紛百憂。康世非我長。自許以一邱。

古人爲己學。不以遇不遇。學問思辨行。止定靜安慮。次序固曉然。人情苦傷遽。

百年狐鬼窟。汗我黃河流。槃槃帝王州。僅與甌脫侔。秋風壯夫淚。禾黍滿平疇。

江左憂佛狸。荊州忌老慙。旣虞薪下火。又恥泥中蟠。不

虞復不恥。志士寧無嘆。

大亨惟同人。小智僅私己。皇皇萬井封。耽耽百重陛。爾疴實余恫。須知本同體。

南園鼎盛時。紛紛車馬跡。須臾風景異。樹老春寂歷。盛衰那可常。此理最明白。

世有傀儡棚。帳幙深遮圍。衣冠巧裝飾。觀者迷是非。自謂真好手。不知若爲歸。

續和李參政

璧

湖上雜詠

陰陽互推移。氣數有信屈。澗松發貞姿。庭梅醉生色。雖

歷代大儒詩鈔

卷二十九

魏十一

六

采蘭堂

無桃李。容桓桓。保終吉。

氣力與運頽。十步九蹉跌。聞有用我者。掩耳忽不悅。吾非嵇康徒。道遠未能涉。

虛靈一寸心。攻者十七八。炯然無常存。精粗皆著察。衛邱駮牝蕃。魯圍牛羊茁。

古之求仁者。信道不蘄獲。顏生何所樂。寧蹈飢寒厄。能知四勿功。六根本非賊。

嚴君閑有家。富之以其道。幾年困外禦。囊空甑復倒。家人寧自勉。歲晏願相保。

晉當胡運衰。厲世先黜陟。當時望塵友。有識所憤疾。云何祖世稚。不似劉越石。

人心不可欺。好好而惡惡。利欲怵迫之。本心日以落。所以古之人。憂在晉其角。

西郊訪梅約李提刑至李參政壁八客分韻得

爾字

荒煙散牛羊。落日下城市。天寒萬木脫。歲宴羣動弭。西郊有孤芳。獨喚春事起。幽光耿參月。清豔明野水。欲開未開時。似語不語意。或疑春較遲。的爍尙霜藥。誰知春

歷代大儒詩鈔 卷二十九 魏子一 采蘭堂

風心。渾在阿堵裏。洞霄逍遙公。九隴花月使。領客居上頭。蹇予亦婪尾。頗懷去年遊。歲月如許駛。悠悠竟何成。總被物化使。索酒浮大觥。歌商叟窮履。真意浩無窮。作詩聊復爾。

梁運判 綸 生曰

有歌不必歌。吳趨有舞不用陳。巴渝試聽天上紫雲曲。著意自與人間殊。益州刺史梁大夫。高冠長珮鳴清都。秋原方集迎車雉。春風欲送升平鳥。卻思忠獻海棠處。少日曾此扶親輿。問天乞英簞。叶氣爲先驅。有酒皆耶

清有書皆父腹。人逢善且稱吉祝。六引三調何虛徐。勿
言商聲苦太勁。爲國綱紀正要渠。厥今事勢將何如。隣
家盜起翁無孺。乘風縱燎未渠已。我薪未徙屋未塗。天
之生賢端有意。正治況是公規摹。儘將吉德爲壽本。扶
桑自昔無榮枯。

遺廬陵術士馮椿

月宿南斗韓愈生。歲在己辰鄭元死。二人言命是非
我欲質疑於孟子。

浣花卽席

歷代大儒詩鈔

卷二十九

魏子一

六

采蘭堂

輕颺濯袪暑。清與耳目謀。江山新容態。真意爛不收。榜
人以戒余。將事東郊遊。川后且靜波。馮夷亦安流。聯鑣
載羣彥。駢筵駕方舟。月中亂平渺。高春尙夷猶。俯瞰大
江橫。仰看蒼穹浮。滔滔去不息。亶亶生無休。俯仰三太
息。發我心悠悠。未省昔之人。曾有此樂不。團團轉蘭世。
突見龍掉頭。闐然兩敵國。對面如仇讎。少頃遊人散。天
暝風冷颺。清興浩無極。洗醢更勸酬。

約許侍郎

奕

諸公酒半宋正仲

德之

至自都城

人生能得幾回別。一別公來四千日。我騎紫馬出行春。

公指黃扉入當夕。誰知行止不關人。邂逅天涯復同席。
方看紫陌爛紅英。忽復濃陰顛青實。斷霞明白日靜。
過雨穿林亂雲溼。如夢如夢耶非日。歸日歸歸未得。
焚南山。峯東流。斷關西。雲霾北。風急酒逢故人一吸易。
語及新事百憂集。試問吾歸將何歸。梓州遂州有何擇。
況有青山老居士。千騎東來闖然入。更得可人高帝孫。
又忻末至臨邛客。儘判三日作狂醒。要話十年胸臆塞。
登元祐閣次韻李左史重所和范瀘州子長詩
飄風吹面酒無力。萬響搖搖不停息。主賓巉然立分鼎。
歷代大儒詩鈔

卷十九

魏子一

五

采蘭堂

抑抑威儀長不忒。冰盤時薦櫻筍香。烏絲快灑薔薇墨。
夜深山靜天四垂。悠然發我真聞識。

臨川過

椿年

永叔植慈竹義木於庭乃榜其堂

曰慈義索余詩

冬筍與霜菹。孝可使之生。老槐與枯荆。義可使之榮。芸
芸天壤閒。何物非吾誠。根心貫芽楨。影響於形聲。過君
真孝友。早識真重輕。一時東南彥。義氣何相傾。虛几隱
天籟深。居觀物情慈。竹吾父子義。木吾弟兄夜。簷月送
影。晝戶煙輸晴。與我一般意。乃作堂堂名。竹根頭。鱗鱗。

下覆復上承木以同本故枝葉皆相親承覆匪強合相親誰使令茲有靡不有斧斤曰丁丁願言厚封植晚歲長青青。

遂寧社稷壇與風雷雨師之壇混爲一區其間

多悖亂者某偶攝郡事因爲隨事釐正

始余求諸社窮巷窵而曲草陰荒蒙茸林影亂樸樾其中有屋廬其下主以木社稷風雷雨皆於此乎告趨闕不求陽如叢祠而局就簡不辨方如古墓而族引我拜平土高牀被茵緼使我視所陳紙幣薦薌燭爵不以坩

歷代大儒詩鈔

卷十九

魏子

辛

采蘭堂

寘酒不以菲縮牲不以碑麗齋不以口宿於禮無所稽承訛己云孰從之則拂余不從亦違俗是心既不慊雖暫亦爲瀆屋不受天陽此豈容有屋先易其甚者餘事踵相屬其有不逮爲則以告新牧

次韻張太傅方見貽二首

門前車馬塵滔滔試問有誰問似我夜燈照出千古心曉窗掣破重元鎖

別後幾如隔世人閒中認得當年我清風應傍笑譚來明月不隨門戶鎖

再次韻

眇觀千載苦無人。窺見一毫先有我。雋敏旣爲文采誤。高明又被元虛鎖。

我嘗妄意於古人。子今用力苦先我。安得從容長似今。借子玉匙發關鎖。

虞萬州

剛簡

生日

春風吹我遊錦官。客眸飽作滄江觀。鶴飛自由白日靜。山來不斷平野寬。主人聞客倒屣迎。案頭點易朱未乾。連呼朋儔俾接席。又遣兒女來拜前。館中列鼎食客衆。

歷代大儒詩鈔

卷二十九

魏子一

三

采蘭堂

堂後鳴鍾聚指千。客來輒畱張坐飲。客醉復與開榻眠。主人投閒六年久。祿廩不繼胡能然。問之主人笑不言。神情散朗心常閒。向來曾於我乎貸。至今尙質黃金盤。又聞吾兄市橋尉。假五十萬青銅錢。橐中似爾空亦屢。門外車馬紛闐闐。其閒猶有不知者。誤謂公子非儒酸。誰知出分本無幾。況復奉賜隨分班。知之不知吾何恤。日用飲食於其閒。西京相裔平通侯。輕財重義無敢先。三年田家未云久。便懷富貴譏南山。節侯有子韋少翁。亦以明經世。其傳齋之附庸。有何薄徑欲忍愧。從夷齋。

人於居約視所守。又以久近察所安。近而不渝。儻可勉。久而無怨。良獨難。不須遠求漢諸公。姑復近考今時賢。雖云暫聞未嘗約。一念長作膏火煎。戚然不能以一日。況復如君之六年。泉無晝夜。蓋有本潦。有朝夕。繫無源。歸來試與友朋道。言之孔易行維艱。厥今人物眇然甚。天道豈不於君還。友朋請書爲君壽。更祝養素勤加餐。

董侍郎

居誼

生日

后皇一念根。至仁地。雖南北。民吾民。一二指。摘不可信。彼動此應。關諸身。人言犬戎相噬吞。彼蚌蝸耳。吾漁人。

歷代大儒詩鈔

卷二十九

魏子一

三

采蘭堂

大國信誓方重。申時遣升勺。蘇窮鱗。有狼其心。不我恩。囊書赤白。驚嚴宸。帝曰可矣。予其征。臣某奉詔之淮濱。臣某董師。留漢濱。西南憂顧。誰其分。我有從橐之親臣。時其動靜。制主賓。自闌以外。惟將軍。邊頭赤子。方寢薪。旆旌悠悠。烏鳥馴。將軍羽扇。白綸巾。且將沈靜。弭放紛。邇來世道。波云云。士爲欲縛。迷天真。開禮戎首。終身焚。未聞先事。人有言。大官一喟。和者羣。前而和之。後云云。厥今狂獠。先狺狺。事勢不與開。禮倫方拯摯。獸招飢。蚊此何爲者。祇自塵。志士憤惋。三軍顰。置之不治。虎患存。

治之不勝。桃蟲拚勝之不盡。窮獸奔盡矣。復與誰爲隣。
譬諸白黑。方交枰。彼據腹脇。吾邊脣。養成持勢。猶不均。
況彼攻奪。吾逡巡。局勢往往。隨時新。不有妙手。誰彌綸。
人才生世。厥有因。帝賚天假。崑降神。一心可以位。乾坤
浮雲軒冕。何足論。祝公早還要路津。并包衆智資。多聞
倡明大義。清妖氛。攜持令譽。歸麒麟。蹇余不能康世屯。
浯溪有石高嶙峋。儻能奔走東郭魂。

歌詩三十五韻送前知隆慶任侯選赴召

向來虎豹蹲天關。啄噉人命無敢干。任侯於時外小官。

歷代大儒詩鈔

卷十九

魏子一

三

采蘭堂

有筆如刀。刺權姦。權姦未夷。骨先寒。有開天誅亂旋刊。
寘我宗社於山安。忽焉倚伏不可搏。天心克復理好還。
是時增秩綸言頒。扶聳義烈增壯顏。邇來十載國步艱。
思以吉士儀清班。侯今以選賜之環。進退語默人所矚。
侯以時考以事觀。慶元視今奚易難。浮驂妄轍紛多端。
大車檻檻長自閒。中原胡塵暗。河山行人載書墨。未乾
深仁大信而敢奸。彼民元黃走壺箪。我復翦刈如草菅。
維皇上帝憫人寰。嗚呼言之鼻辛酸。侯兮去去心體胖。
久矣直道非俗觀。士所欠者非朝冠。要令反覆耐久看。

前陳亟與攄肺肝。且使志士興長嘆。歡言此土嘗譏韓。始終激烈心如丹。寘名大小任公閒。

飛雪亭

自荆入蜀路險絕。墨猿聲中膽欲折。萬州江頭舍舟楫。又趣擔簦窮岌嶮。危磴連雲如積鐵。亂石砭足十九跌。僕夫流汗馬吐舌。遙望盤龍挂天脅。懸瀑落巖噴霏屑。中間有亭曰飛雪。十里陰風寒入髮。人言此地無六月。火雲射地人不暍。誰知利欲所熏灼。以身試險車結轍。伐性焚如火如烈。試於此亭解羈紲。呼取大斗酌甘潔。歷代大儒詩鈔卷三九

魏士

舌

采蘭堂

一飲令君消內熱

約客十有二人汎舟東山分韻得大字

樂莫樂良朋。同胞瀛海內。矧復聚此州。此樂無乃太晨。策披層巔。夕篙汎晴瀨。羲和鑿余衷。爲我祛宿靄。空碧隨清鏡。帝青倚高蓋。明臚照鷗心。遐思絕鵬背。信知好乾坤。不出天地外。人生兩儀閒。豁豁如許大。萬古同一流。誰能與心會。丁寧黃頭郎。爲我勉乘載。直下涪武江。合處看重兌。

約書院諸友過石洞津檢校隄役

天濶山頭。江空石齒。齒清霜。肅宇宙。物物露根。祇是
開明年春。萬卉從此始。人事胡不然。臨流方識水。斷岸
百尺懸。赤子命如寄。示人亦真切。猶作秦越。眎我憂不
能釋。人謂我俗吏。吏安能俗人。亦人自俗爾。神天及遊
衍。忠信在。參倚是閒炯。然存精粗。莫非事。况逢道義友。
脊脊不余棄。至理互相發。俗氣安能滓。夜寒人欲歸。漁
火颯清泚。照我方寸心。悠悠發長唱。

送劉寺丞

屋

赴浙西提舉分韻得霄字鹽官縣

以海漂蕩命劉措置

歷代大儒詩鈔

卷三九

魏子一

五

采蘭堂

君王位三極。五氣咸宣昭。有一弗余若。引咎自己招。如
何圻甸閒。靈胥敢爲妖。毋謂一指搯。能使身無聊。是用
選膚使。汝往鋤其驕。將指得若人。譴異不足銷。水生乎
天一陽。實爲根苗。疏通乃循軌。壅塞逾驚漂。是理與政
通。更當省厥徭。績成報天子。鳴珮行青霄。

閣學袁侍郎

變

以朝鯉篆龍兩圖見寄索和

朝鯉

物生宇宙閒。鉅細統有宗。鱗蟲三百餘。厥長稱維龍。滄
霧彌六合。神淵闕千重。維時赤鯉公。坐制織鱗窮。織鱗

何足言。什百來追蹤。亦有橫江鱗。望洋喪其雄。于于圍
圉。然等辨殊卑。崇一。鯁掉頭去。愬然若將終。公三不易
介。誰謂惠不恭。魯生陋漢儀。商皓撻秦鋒。行吾之所安。
匪以驚愚庸。又如秦漢後。俗學千載同。卓哉無極論。上
配禹孟功。吾言聊自警。毋誚惟少通。

秦龍

乾坤包萬有。納納百囊器。人位乎兩閒。利與害爲禦。一
氣貫四時。五風偕十雨。神龍以爲畜。擾御不予侮。河有
背負圖。庭無滌流女。義理之不明。人情自疑沮。範圍吾
歷代大儒詩鈔 卷十九 魏子 三六 采蘭堂
職分。往往若違拒。同室擾戈鋌。一身隔肺腑。帝王秦龍
意。棄置那復取。四靈非不靈。有不得其所。生息之相吹。
自古鎮如許。古人體天意。萬物我其主。蟲莫習於龍。拊
循如士伍。今何故無人。亦足驗胸府。聲和鳳來儀。心平
響如組。矧伊人中。瑞治亂係默。語欲入而閉門。誰出不
由戶。茲事關人心。作詩附農圃。

送侯成甫歸蜀

鴈聲砧杵霜滿洲。高桅大舶行清秋。長安白日誤雙鬢。
故國青山明兩眸。前霄大江半歸壑。來歲候蟲已坏宅。

無蹤天馬常往還。不信人間有終屈。

送楊尙書

汝明

知廬州

斷鴈懷歸蘆。葉秋離鷺感。照菱花羞五更呼兒拭。殘淚
淹速有命吾歸。休殿頭三拜疏。去意浩莫收。內前宣辭
賜顏色。外閒祖帳如雲稠。往年長安道。笑設取公侯。白
壁抵山車。斷流黃金軛。屋花滿樓。萬釘圍腰。笏頭帶。廷
紳嘖嘖懸兩眸。吁嗟此何物。白盡人閒頭。二十年重來
見此勇退楊廬州。平生志氣未肯傾。卷懷歸先岷峨。愁
我往送之門。感事增百憂。忽忽別公上車去。怕鬼見笑
歷代大儒詩鈔 卷二十九

魏子二

毛

采蘭堂

君奚留

大理曾少卿

煥

欲見余近作錄數篇寄之以詩

爲謝且云連日瘡瘍作讀余文而愈因次其
韻 九月二十六上

西風蕭蕭吹鬢急。獨立長空倚天壁。俯看滄海環九州。
仰視青雲行白日。夜歸蟋蟀鳴秋牀。觸處萬寶西風香。
而余生世竟何事。孔翠茲影蜉蝣裳。冥心宴坐自探測。
善利幾微如白黑。江西夫子最心知。欲往從之后土溼。
忽來詩句懸清風。拱揖孔孟摩瘠癰。便思載酒巾車童。

一夜壯氣千星虹。

中童帷裳也

六月十四日後殿侍立新永康太守成嘉甫朝

辭奏事詞氣懇惻上爲嘉納嘗隨筆記其事

今鄉人祖帳分韻得西字遂書以贈行

嚴精伐鼓趨晨雞龍媒戒仗暗無嘶宰臣奏事左礮降
史臣曳履東階躋永康太守臣申之上殿音吐千虹蜺
曰臣前領大農簿試郡得請今當西轡人求通反其使
金人匿壯招吾攜勿言殘金繼前好將貳轡鞞搖青齊
時將有反事有閒翫歲渴曰憂噬臍皇帝瞿然曰是是

歷代大儒詩鈔

卷二十九

魏子一

三八

采蘭堂

伸頤領首天聽低貼黃更請磔叛將衷恤死事不可稽
陛下亦聞西事否昔號險阻今多谿散關皂郊已平地
白環黃牛猶潰隄分臺列閩越秦視體統漁散人情睽
上云私意誤大事諄諄切切重提撕申之又言故臣丙
昔嘗有德干坤倪上顧指臣曰安丙申之頓首如含悽
紛紛交情異生死獨此推本祛羣迷臣時張拱立帝旁
螭頭恨無千赫蹄爲王留行力不足戴日處此羞梁鵠
官無小大莫非事勇爲天子綏羣黎天如有意聽臣歸
問天重乞青玻璃

送黃宜州實之郡

皇帝親政之初旬。史臣了翁侍嚴宸。宜州太守當就國。
袖出諫疏前開陳。爰荒僻在飛鸞外。陛下眎同吾仁。
母云指摘非害事。往往四體為不信。臣請選侯知中州。
更飭虜使時諮詢。但令正身以率下。爰荒雖遠畿甸均。
皇帝顧謂汝可往。布宣德意安吾民。黃君下殿再拜謝。
盡以聖訓關史臣。史臣拜手筆之冊。以君所聞還贈君。
維今貪競習成俗。公私已屈憂方新。紀綱法令不敢知。
恃以立國惟蒼旻。蒼旻茫茫不可問。人情忻戚天笑顰。
歷代大儒詩鈔 卷二十九 魏子一 采蘭堂

歷代大儒詩鈔 卷二十九

魏子一

元

采蘭堂

願君體此深長思。便以聖訓書諸紳。心誠求之莫非事。
子苟不欲民無貧。

三時收功還朔易。百川斂盈歸海所。誰將蒼龍挂秋漢。
宇宙中間捲無迹。人情亦感變中化。達者常觀消處息。
向來未識梅花時。繞谿問訊尋簷索。絕憐玉雪倚橫參。
又愛青黃弄煙月。中年易裏逢梅生。便向根心見華實。
候蟲奮地桃李妍。野火燒原葭芟茁。方從陽壯爭門出。

直待陰窮排闥入。隨時作計何太癡。爭似此君藏用密。
入官天地命萬物。二實五殊根則一。圓形闢闔渾不知。
卻把真誠作空寂。亭前擬繪九老圖。付與人閒子雲識。
五老峯前訪梅招
鶴合余肩吾作九老

次韻永平令叔文鶴山書院落成詩

天運驅人人不覺。古道違時時不學。玉相隨。脛回荆山。
昭質依然未經琢。因思胥靡逢殷宗。精神動悟聲氣從。
礪舟霖雨到梅嶼。變化氣質天同功。朝歌屠叟無與語。
一日投綸見明主。大車檻檻行周道。輪輻中規箱中矩。

歷代大儒詩鈔

卷二十九

魏子一

三

采蘭堂

人生天地同一原。自誠爲聖明爲賢。地殊世遠猶合節。
矧此同字相周旋。自從澆風散遺直。世不乏材無匠石。
未能登車習射御。人人自視郵無恤。出門浪戰觸與蠻。
半生少得須臾閒。不爲夷甫辱汝水。卽似介甫逋鍾山。
古人灑掃先庭戶。豈問他人莫子顧。只憂原頭欠湔滌。
才見天根便呈露。人言陰濁勝陽清。陽一陰二分三停。
誰知陽德本無閒。根心枝葉長相親。君臣大分雖有止。
終不能忘乃天理。世無我知將自知。不待雷風問諸史。
投沙屈賈占所歸。九州博大歸何之。雖云忠憤語傷激。

律以洙泗。猶津迷前村。虎嘯晚風起。跼鴛酸嘶。鴈將子
君恩未報。臣憂深暇。把壺頭較鄉里。江公勸我姑少安。
新詩媚好如璧環。敢輸憂誠謝慶語。仍戒牘史毋鈔傳。
撫州崇仁縣玉清觀道士黃石老工古篆以李

公父書來問字

聖學不嗣千餘年。併與小學遺其傳。其閒明道寧乏賢。

謂書小伎

藝也揚子通天地人曰儒通天地而不通人曰伎

姑舍旃十字九舛

不可鑄楮生墨墨色有寃動以經史爲執言。豈知魏晉
幾變遷。況今經字宗開元。請觀未有韻書前。訓纂字林

歷代大儒詩鈔

卷二十九

魏子

三

采蘭堂

形相沿形聲迭推義乃全。韻書旣作人趨便。未能書法
窮根原。但以聲韻求諸篇。形存聲亡韻亦牽。叔重少温
工磨研。二徐鄭郭相後先。書法賴此差綿延。許李焉得
無謬愆。楚金分韻猶拘攣。若更舍此徇俗妍。不學操縵
求安絲。玉清道士來臨川。用意周鼓兼泰山。攜書過我
渠江邊。試令立柱與畫椽。根闐畿礎矣桷椽。已能諧世
而取憐。猶欲度外求方圓。眉山夫子思湧泉。相與共講
扶其偏。道士稱載明當還。更以一語申拳拳。能於此處
知其端。事事物物誰非天。九章八卦莫不然。一毫人力

無加焉。

四川茶馬牛寶章 大季 修揚子墨池以書案題

詠

子雲一去千餘載。惟有成都墨池在。草元此地是耶非。元文今在人誰知。雖逃劉歆讐詭。鼠壤蛛窠蠹魚宅。豈無學者工探求。不譏僭聖譏贅疣。自從馬邵造元域。晁氏譜之張氏翼。亦云察矣人猶疑。試為諸老申其辭。易書廣大包天地。辭變象占都一致。世儒造入各不同。有一於此均為功。況於易元元相發。不同之同真善學。

歷代大儒詩鈔 卷二十九 魏子 三 采蘭堂

歷家中首先黃鐘。雖以坤復為初終。中首先黃鐘謂太元八十一首起中

以準中孚取復前七日紀曰天正始牛宿又以曰星分

左右。元以甲子朔旦冬至日起牽牛初度取曰所歷之星度宮分皆右行起從冬至易元

均意欲取象臣承君。右承君謂主曰易書八八而用七

八八用七謂六十四卦不反元文九九而存。九九存對者八卦惟五十六卦反對元文九九而存。一謂元有八十一首而曰易分六位中二五臣志上通君下取

文用七十二冊。元以一五而為中君道君尊臣代終元文主曰易主歲

元主曰謂日法取朔至牛宿初度易主歲謂起甲寅歲

凡四千五百六十歲為一元七元為一極此康節說

易書為經元為緯謂元於易地承天就中邵子尤知元

庚節準易圖序曰元之於易猶地之於天也。或云元準卦氣圖是圖疑亦非

聖書。豈知中復與咸過。乃是陰陽自然數。元準卦氣圖自復至咸

八十八陽九十二陰自過至中孚八十八陰九十二陽咸至過六日七分中孚至復亦六日七分故上系七爻

下系十一爻亦起中孚咸或云元做太初歷黃鐘之分八十一豈知

虛三與虛九其數雖同其法否。太初歷以律起歷八十分為日法乃取黃鍾

之管九寸九凡八十一分存律呂數用七十有八即虛三也元之八存一即虛九也或云元象宗

渾天。渾天方象包於圓。豈知兼用蓋天說。蓋以輿地承

純乾。子雲單思渾天而作太元渾天以天包地而元以方州部家圓圖在上首表贊方圖承其下乃兼用

蓋天之說地承天之象也易雖無元不為闕。易更得元滋有發。且如

歷代大儒詩鈔 卷二十九 魏子一 三 采蘭堂

河圖與洛書發揮道數無遺餘。後來支幹及聲律運氣

參同至太一。此數者雖與圖書起數不同而皆合與易並行人不譏。干歧

萬轍同一歸。況元於易同而異。何獨於元而譏議。子雲

之師曰林間鶴山之下誰其徒。子雲之師曰林間翁儒臨人也鶴山為叩之望

自翻機杼作生活。律歷圖書無不合。若非馬邵與晁張

後世幾無揚子雲。後世子雲今繼作。而此元文終寂寞

空餘繪象與棠陰。聊與文字供嘲吟。繪象乃袁參政某修祠堂於閣下摹

置中堂左列元學源流右圖蜀吟池上多海棠不知年矣

至左縣書懷呈榮州綿州二兄 謹案此詩原係一首今分刻誤

歲行析木子去國。鶉尾之年讒返室。東西南北著此身。水陸二千三百日。

或云子非善謀身。幸生斯世同斯人。胡為嚶嚶苦自好。輕辭富貴重絕貧。

五谿之濱有何好。兀坐六年不知老。夔門待汝有何惡。惡把山林易旌纛。

予聞其言心自語。吾非斯人而誰與。獨嗟行止各有時。龍螭鴻歸亦其所。

洋州叛將鳩餘民。仰空待救人。不聞黎州邊。丁成內郡。歷代大儒詩鈔

卷二十九

魏子

三言

采蘭堂

空養赤子防西門。

綿州近院劍門路。列雉驚奔渠不顧。叙州朶蠻亦良苦。卒以憂勞棄予去。

見危授命理之常。苟得死所庸何傷。所憂人已兩無益。燕蝠晨暝徒皇皇。

鶴山之巔一畝宮。我名吾亭曰願豐。只祈天心速悔禍。雨禾雨麥蘇民窮。

有糧餉士可衛民。有民給耕可供軍。軍民相資護關塞。又須監牧長得人。

規摹便立久安勢不作目前苟偷計弟兄歸與里父師
長對春風賦棠棣

七夕南定樓飲同官

誰將明星貼天宇。州國宮垣象官府。更將四七隨天旋。
常以昏中殷四序。迢迢河漢衡秋旻。前有蒼龍履元武。
牽牛正向西南來。左右兩旗北河鼓。鼓星之側爲天桴。
鼓上三星爲織女。何年人號天女孫。便把牛郎擬夫婦。
不知此是天關梁。河漢之津有常度。晦明伏見莫非教。
肯爲文人給嘲侮。班曹庾謝猶讐言。世上兒曹更堪數。
歷代大儒詩鈔卷二十九 魏子一 三五 采蘭堂

臨風三誦大東詩。須信詞章有今古。

上已領客

流觴元己奚所因。更指三日爲良辰。山陰坐上皆豪逸。
長安水邊多麗人。臨流有許豪與麗。元無一個能知津。
韓嬰何憑指溱洧。束皙胡據誣周秦。千年混混同一波。
競言此日天氣新。其閒號曰該洽者。或言卽降祠高辛。
春秋以後弗無子。往往援引詩生民。說雖有稽義猶鑿。
況復除日經無文。是所以爲建辰之月除日在巳予嘗妄意已爲火季。
春火見疑乘寅。寅居漢津火所畏。故以元已被水濱。一

年奇月必用重。如五月五七三欲解陽德屯較之前說已云近終媿俚俗疵吾醇要須挈我沂泗上回瓢點瑟看長春。

羅五星善奕碁干詩

少年不識碁。但見剝啄啄更相圍。有人指授予衝關奪角劫復持。少年不識星。但見膈膈膊膊還如碁。亦有告予者。縮盈伏見元有期。七年五谿讀書暇。時把二事相悅怡。久之割然悟。是間有數人不知三百六十一碁子。此是乾策藏其奇。萬有一千五百二十星。若以三十歷代大儒詩鈔卷二十九魏子一采蘭堂
六乘之乘之既盡除坤策恰與碁數無參差。此理極精密。歸後不復思。羅生挾二長。過我瀘之湄。恍如著我五谿上。欲與之語無閒時。此須靜觀乃有得。而我家住西山西。羅生揣我何時歸。

七夕有賦

經星不動隨天旋。枉被嘲謔千餘年。無情文象豈此較。獨嗟陋習輕相沿。我嘗作詩詆排之。尚有遺恨汗陳編。人於萬物爲至靈。聰明照澈天地先。其如形氣之所囿。則以學問開蒙顛。不知誰爲乞巧者。乃謂天孫執其權。

天孫能襄不能報。世閒之拙無加焉。癡兒駭女競針縷。
高樓大第迷管絃。漢魏以來用一律。無人出話扶其顛。
其閒假拙濟巧者。又欲託此文姦言。敢因良會追往事。
更發此義聲餘寬。

黃成之量求虛舟詩

黃君求我古城州。求之不得還西遊。所求易予胡不予。
渠家自美莊生舟。莊生傳之賈太傅。更將死生同浮休。
我家舟子與渠別。中孚之象剛包柔。仰山俯澤承翼木。
藏離伏坎含坤牛。中間至虛若無物。實理備具非空浮。
歷代大儒詩鈔卷二十九 魏子一
三 采蘭堂
此在太元首。黃官其於參。同居中洲會。通古今貫微。顯
上下。天地同周流。人將百年等浮漚。我以千載爲春秋。
我言似大而非夸。人人皆有不自求。黃君不信謂予赫。
我自姬孔君莊周。

中秋有賦

望舒與日元非敵。震受陽光與成魄。六十四象不言月。
三百五篇譏日出。古道貴陽不貴陰。賓禮卜晝不卜夕。
世閒賞翫起何年。誤卻千年醉狂客。不知客有肺腸無。
更把荒誣作真實。我因時序嘗作詩。洗盡兔窟蟾宮迷。

今年新作東樓成。胡爲尙此窮攀躋。人心和平民氣樂。日月昭明天宇豁。須知此事與政通。不是詞人閒賞月。

送游吏部赴召

天馬周流不停策。青龍挂空山無色。區中物物見根柢。關雲樹依依送行客。

縱金伐鼓行清秋。江頭組練雲如稠。道旁老人相與語。主賓聞之諤相顧。或云造關如登山。一聲警咳落九天。豈知位高勢逾偏。莫向紫宸庭下立。非關噉芻解暗嚙。紫宸地禁鳴不得。或云敢言儼鳴鳳。千古高名泰山重。

歷代大儒詩鈔

卷二十九

魏子一

三

采蘭堂

豈知說著心骨驚。臣名逾重國逾輕。或言古人重晚節。元忠子方費分說。豈知晚節不難保。卻憂攘臂爲人笑。三人所贈不皆然。然則子也。今何言。元祐中年。基紹聖。建中靖國。何嘗靖。若教此事欠。講明直將兩。是爲端平。是時臣言便休。得臣不憂身。卻憂國。臣願天意開。平治。明良長似改。元時夫。剛未終戒。竟陸妬陰。雖微畏。羸躅。直教世道端。且平寧。使臣無赫赫名。三人颯然笑。子之所願。吾不到。吾言必於身。子言望於人。子意雖厚。吾言真低頭謝二老。還以告景仁。

次韻趙制置制勝軒詩

何年誤認。龜作熊。力小智薄。當戎衝級。夷藩折牖。戶破至今。風色長如冬。去年推轂。以授公單車。飛度雙劍峯。風稜犖犖。膽氣雄臨淮。軍壘足跡重。夜起攬衣。瞻井絡。鑄鐵不知經幾錯。竭來談笑上紋楸。龜頭局中虎口著。誰將輿柴。誤戰塵天。文一揮如砥。平濯巫獫狁。威蠻荆。捷書夜上白玉京。考成軒戶適茲日。一吐十年胸。怫鬱看詩。又覺饒餘力。要殄餘憂。寬肝食。書生喜極還太息。天下憂端尚非一。經營分表。竟何益。蓋護本根。保成勳。歷代大儒詩鈔

卷二十九

魏子

三

采蘭堂

是時朝廷出師復三京

江東漕使兄約遊鍾山分韻得冷字

連年饑建業。寤寐北山靈。三過又不入。風雨盲其程。一朝決會期。萬籟不敢聲。斷潢捲夕源。列巘浮帝青。因思山中人。昔日相熙寧。不知學何事。莽制爲周經。羣公咸其輔。不悟宗康成。相承至章蔡。九州半羶腥。歷年有七十。衆寐全未醒。三經猶在校。從祀猶在庭。追維禍之首。千古一涕零。大鈞杳難問。山雲水泠泠。

題溫泉

廬山一滴水。雕盡詩人腸。道傍有溫泉。忽然如遺忘。淺夫既闕筆。智士亦括囊。或云匪難知。水火元陰陽。水根於天一。至陽所潛藏。所以井生熒。亦有泉如湯。吾嘗謂或言。子語未精詳。水實含內景。火乃無寒光。水將而不迎。火迎而不將。君看月受日。又驗坤含章。吾言與邵語。或可補詩亡。

江南揚州府梅花書院孝廉堂受業諸子重校

歷代大儒詩鈔

卷二十九

魏子一

四十 采蘭堂

歷代大儒詩鈔卷三十

滇西趙州後學谷際岐西阿甫彙鈔

受業諸子 男曉全校

魏子二

古詩

寄題雅州胥園

此下補鈔古詩

胥君頎然來。錦囊背奚奴。探囊發詩卷。一一卿大夫。未識胥園面。詩卷自畫圖。掃石臥竹影。長鋤斲芋區。胥君

歷代大儒詩鈔

卷三十

魏子二

采蘭堂

於此時。林泉傲金朱。懶余本邱壑。誤被塵纓縛。每逢漫浪友。慚愧紅塵腳。會當尋茲盟。酬此一大錯。

虞永康生日

良知誰不有。靡究復靡屆。寸心日月明。萬里天地握。機洞消長觀。物了成壞推。行濟四海小。試未為隘姓。名既轉聞。正恐世網挂。相期久遠看。力與支求派。建立天地心。透徹義利界。卽茲奉君壽。行矣良自勵。

送徐校書知處州

峨峨海中山。十二樓五城。僊人駟玉虬。徑上凌紫清。中

道忽回薄。珪符下玉京。彤幘曜白日。錦輿上頭行。扶桑攬余轡。緩步寬作程。世間行己地。端亦勝蓬瀛。誰乎低著身。啞咤聞新鶯。何如攜令名。歸以見母兄。用世無小大。千里亦民氓。小施五袴手。竚錄屏風名。

送王考功

聞禮

江東漕

分部設將漕。鞋旒寄聰明。直須撼山嶽。亡但採崎嬴。而況江以東。襟淮翼吳荆。民力九十空。所恃人爲城。南宮輟望郎。方輸餉連營。熒煌鵲錦袍。明日趨遐征。陽春脚未到。淑氣先流鶯。向來嵇中散。僅試薤九京。阿兄亦未洗目觀澄清。

歷代大儒詩鈔

卷三十

魏子二

二

采蘭堂

送宋常丞

德之

知閬州

十年痼邱壑。厭食青山薇。不作時世粧。短褐懷明幾。出門歌一曲。聽者魂爲飛。方騎將軍馬。旋闖師氏圍。清名滿寰宇。區畫裨樞機。寧甘障俗塵。不肯緇素衣。一朝典儀。暮雲步方峨。巍顧懷錦屏。勝見謂天下稀。彤幘下青冥。驄馬黃金鞵。假道洊以東。袖有四明歸。我來今二年。幾度與客違。名位偶君似。臨分重依依。風節耐歲晚。富

貴倏長晞。相期久遠看。努力踵前徽。

送會尚石

從龍

知信州分韻得州字

長安十二門。冠蓋如雲稠。浮驂不停趨。九衢滔滔流。朝
握扶桑轡。暮行背椒邱。駕言往從之。道左傷吾軫。溫陵
有佳士。清姿秀琅球。蚤疇倫魁望。盛名蓬瀛洲。榮進付
膜外。寡欲自日休。需章臣有母。自詭以一州。彤幃下青
冥。錦輿居上頭。小施活國手。彫瘵會有瘳。同省並門居。
昔我陪清遊。一時四同年。氣味骨肉侔。而君堂堂去。別
袂挽不畱。迅商起層旻。候蟲催功裘。問學常苦艱。歲月
忽忽適。古今同一歧。古豈真難儔。願言事穠蔕。勿作刈
穫謀。會面豈不再。爲君刮雙眸。

歷代大儒詩鈔

卷三十

魏子二

三

采蘭堂

送程左史

驥

以右撰知夔州分韻得重字

煙草暝江湖。霜風纈郊壟。黎明白門道。維還冠蓋擁。程
侯倦左城。引去何太勇。瀘江春信回。書殿星極捧。帝念
夔子國。側耕地荒茸。吏饜賦政煩。室罄小人恐。申命亟
移麾。邀驅母上冢。彤幃下霄漢。環珮鏘璧珙。山川洗悽
戚。草木企孤聳。斧刈伐餘急。與護把拱。古人爲己學。
非以博華寵。事業貫千載。富貴不旋踵。願言樹風聲。永

作蜀山重

送范吏部 子長 知崇慶分韻得兮字

陽明迪性分。陰濁生塵泥。蛟龍薄九空。高逝縹緲兮。使
可繫而豢。何異犬與雞。長安有狹邪。曲曲復低低。主人
笑延客。雲棧登作梯。客辭以未能。所憂困多蹊。乞麾下
霄漢。萬里騎青霓。去留本常事。渠不喪所齋。秋風鏘珮
環。家在天之西。歸來拜三祖。歸路幸不迷。

和李致政花石山詩

春風挽征衣。淑景薦邊實。山中之奇觀。變態紛襲積。或

歷代大儒詩鈔

卷三十

魏子二

四

采蘭堂

劃然以舒。或蒙然以密。或撫如脩眉。或突如巨迹。或鷲
鳥將搏。或遊龍偕出一目百奇。怪隨景發。詩癖江山昔
豈無。萬古閱閒寂。而獨陳於今。洵我風月筆。便如遺俗
士。高臥天一壁。人知匪自獻。不知亦奚恤。

次韻黃侍郎海棠花下怯黃昏七絕

狂風利劍戟。火龍困屠宰。莫起落紅愁。生意浩雲海。

會訪郊原春。靜觀煙雨妝。因物得良晤。諒非昔如棠。

唐人春深題。用韻工車斜。逐逐語言去。誰歟真識花。

臨川數花落。康節愛花謝。若作榮悴觀。此特花之下。

穉綠苗兒拳。老紅面白摺。詩壇更伏波。令我逢敵怯。
天運自消息。詩人費評章。何花春不紅。何草冬不黃。
醉妃索南內。玉奴斃東昏。所以觀物心。皇皇妙無門。

謝安大使

丙

見遺白玉環

寶刀切寒玉。解作環無端。連螭虹貫日。晶潤晴生煙。帝
省岷嶓下。冠珮人間閒。迺飭坤之靈。效貢窮山淵。不以
他物效。以是期公還。維公倡惠意。地寶弗敢初。玉汝不
汝瑕。來墮玻江前。因思取子義。僑也辭韓宣。落落竟弗
合。而此微求旃。服之報安所。我無青琅玕。圭復以爲謝。
歷代大儒詩鈔 卷三十
魏子二
五 采蘭堂
不踐如斯環。

次韻虞果州

剛簡

泛雪

黃雲鬢黷風雪天。欲之霸橋尋浪僊。爐中楷柸繫寒客。
縱欲燒愁能得然。撥灰嚼句不忍吐。竟日南望雙眸穿。
誰知詩來亦念我。字與六出爭明燭。美人美人呼不來。
昭華吹怨樓西偏。況有山頭月爲友。觸撥沉痾撩詩顛。
豈無詠絮謝家集。亦有閉戶袁安眠。未如山中之至樂。
白玉世界天相連。朝看夜聽兩奇絕。靴霜爐雪知誰賢。
褰裳急理剡溪棹。明月已傍羌江還。羌江白雲遠。親舍

北山夜雨鳴清川。世間真樂不易道。此以意會非言傳。
惜哉往日不可再。江頭望君如望年。研澌筆凍不成報。
夢中書劄來翩翩。

約眉之寓公飲郡圃梅下分韻得動字

窮陰彫殘年。小雨維寒凍。野迥山色枯。木落天宇空。殷
勤玉雪友。歲歲管賓送。孤標耿黃昏。清豔橫蟠螭。從渠
忌皎潔。孱顏立孤聳。半年簿書塵。閉殺果下轡。林端劃
見之。撩我潑春甕。芳菲惱不徹。喜與良友共。花光畱夕
陰。鳥語嘎清嘒。羣芳去無蹤。生意正湓涌。因懷武陵日。
歷代大儒詩鈔卷三十

魏子二

六 采蘭堂

歲上西湖冢。粲粲萬玉妃。蕭蕭守翁仲。誰知落天涯。惠
然復我從。暗香疎影句。爲我作詩供。心事炯如霜。客遊
恍成夢。歲窮萬物息。誰此役羣動。會取春風心。處處得
日用。

虞知府剛簡生日

皇天覆后土。藐然吾一身。戢戢萬同宇。何所非吾仁。人
惟不自信。私意橫紛綸。君侯覽厥初。渾渾川無津。百家
之精粹。六藝之芳醇。挹之未厭斲。欲以警此民。天機行
日月。大戒明君臣。一源顯微貫。萬象曉晦新。焉知我爲

我聊以人治人。胡然闕厥施。膏澤猶其屯。意將懋所養。切磋及茲辰。余也峩眉陰。君兮滄江濱。生生共茲意。不隔江山春。懷哉寧無車。有繫未可申。

重陽前一日約寓公飲于新開湖之西港有歌

詞者其亂曰會與州人飲公遺愛一江醇醪遂

以此分韻賦詩某得一字

吾州遠景樓。壯哉天下一。下有千尺湖。長虹倚斜日。煙雲分蔽虧。草樹互蒙密。人既位通顯。湖猶困遺逸。一段雲錦機。割截不成疋。我來劃見之。慨然爲拈出。凹者豁

歷代大儒詩鈔

卷三

魏子二

七

采蘭堂

以舒。凸者疏而溢。乃取半山句。以榜湖陰室。晨舟亂平渺。日晏未云畢。客喜以問余。幻成子何術。余非襲而致。彼有是良質。牛山木嘗美。茅徑人自窒。一笑各會心。涼風送蕭瑟。

再和浣花韻呈李彭州

李

參政

璧

輾然一開口。天也非人謀。江山自舊管。風景仍新收。一門令兄弟。而我從之遊。衛玠珠玉側。李膺神僊舟。主賓有良晤。兄弟無相猶。兩餘白。日靜江遠青。天浮相彼宇。宙廣覺我心。休休世傳浣溪女。聲跡疑謬悠。靈均亦已

遠。英烈今在不。又懷唐拾遺。泯然哀江頭。陵谷幾變遷。
屈孟獨長留。於此本何負。而以德爲讎。因時慨前哲。坐
久風颼颼。良會惜難再。作詩以相酬。

送趙茶馬

師芳東歸

又因送客朝京闕。意行偶過山之陽。檻開岷嶺半天雪。
簾捲峩眉千丈岡。斷霞明空暮江白。密陰藏雨秋原香。
客歸便可報明主。滿川看看秔雲黃。

次韻郭方叔諸公偕胡致堂賞梅至夜賦詩

元陰作秋冬。殺氣寓風雪。土深候蟲閉。山靜飛鳥絕。誰
歷代大儒詩鈔 卷三十 魏子二 八 采蘭堂

知無邊。春萬古長不滅。或暢然以舒。或凝然以結。或聚
爲融和。或散爲騷屑。又嘗以此觀諸人。生意不斷長如
薰。咸陽宮殿氣成霧。忽作芒碭山澤雲。神爵甘露來。紛
紛畫堂已。入王正。君人從動後。觀變態。誰於起處探。網
緼淺者若爲見。夜氣長如神。儻知起滅幻。便省消息真。
如何天機之淺者。但識人間桃李春。

次韻劉左史

光祖

玉亭觀梅

南山有佳境。天作而地藏。誰其搜抉之。主者今歐陽。時
當冬候最。靄翳雲無光。爛嚼暗香句。浩歌黃竹章。詩成

物有主意遠天無旁。衆寶從老守。遙林拱孤芳。氣味自
爾殊。凡卉不敢香。芸芸天壤間。何草冬不黃。獨此冰雪
質。老氣磨蒼蒼。便如身潔人。易知復難忘。頗懷熙豐日。羣
妍偃冰霜。皓然深衣老。春風貯肝腸。抉開第一機。還作
桃李鄉。終然和鼎實。以侑千歲觴。三嗅幾而作。臨風倍
輕狂。

題潼川倅廳先得月樓

濃雲捲幕衡嚮北。天風不搖萬嚮息。暮行爬沙踏科臼。
顧免茫洋長在腹。本來全體自分明。日用其間人莫識。

歷代大儒詩鈔

卷三十

魏子

九

采蘭堂

弄丸之暇劃若逢。笑拍闌干我先得。

此句意未詳不敢強解

和宇文漢州乞房樓記詩

房公胸中妙刀尺。翦刻玻璃貯寒碧。今侯著樓於其上。
竹色荷光得良覲。詩來殷勤問故侯。別日雖賒情轉密。
因思當年飛蓋遊。鷗鷺不驚潛鯉出。春濃雪絮入影亂。
秋老雲松半天屹。蘇公二十四橋月。尚愛西湖風月夕。
江山好處餘戀繆。縱不卽人人自卽。況今簷撩雲與齊。
激楚高歌友朋集。向來寒乞翻自嗤。詩掃黃泥已無迹。
功名老我後加鞭。文字餘人先奪席。欲搜萬象供刻畫。

自有此湖難此筆終當爲君記斯遊摹寫蒼顏真六一
潼川憲司拓圃築亭取康節語名以四春得古
皇天平四時不以秋先春仁人奉天職不以德後刑次
序固云然表裏元相因方春布陽燿萬物皆精神當秋
乃拏斂黃落山川貧天機之淺者榮悴爲戚忻誰知天
地心於此常肫肫旣嘗驗諸理又以取諸身四德孰非
元四端孰非仁刑威雖時用生意固長存四時長有春
吾聞邵子云觸事識初心乃以名吾亭

歷代大儒詩鈔

卷三十

魏子二

十

采蘭堂

次韻張太博

方

得余所遺二程先生集辯二程

戲邵子語

文字未科斗圖書未龜龍粲然天地間此理觸處逢是
謂象之祖而爲數之宗吳犧古神聖先得人所同文因
而繇之亘古亦並雄訖于我孔聖天命滋益恭渾然一
理貫密察而從容辭變與象占四者固所崇推辭以知
變象占在其中荒荒秦漢後學者昧所從不以災異會
則以虛無通天開周程子易道乃復東動靜靜復動終
始始而終上承千年緒下起百世風同時有邵子講道

于伊嵩。天地之運化。陰陽之無窮。卽物驗消長。先幾知吉凶。邵子知道數。獨立幾無我。助也見詩注二程自周孔爲時開夢夢。其歸則一耳。昧者結忡忡。學之將奈何。矧余倍顛蒙。要知義皇心。須踏周孔蹤。

王總領 鈔
生曰

皇天覆后土。藐然中爲人。戢戢萬同宇。何所非吾仁。一二指搖耳。動且關嘖呻。置之非害事。尙欲求其信。矧今我赤子。犬羊所噬吞。養之將遺患。迫之幾寡恩。猶以赤子故。未忍窮追奔。蠢彼不我德。羽書驚巖宸。帝曰斯可。

歷代大儒詩鈔

卷三十

魏子二

上

采蘭堂

矣。戎首將自焚。一軍戍江介。一軍畱漢濱。雨中徹桑土。火後憂突薪。又念蜀上游。擢才餉吾軍。蜀力如蝸延。僅足以濡身。云胡走荆楚。坐視空川秦。天下本一家。奚必爾我分。獨憐去天遠。緩急呼不聞。公今從此升。於國擬世臣。家有憂民譜。切磋及茲辰。直前明分義。欲立思本根。豈但無怨公。此志長光新。抑使蜀父兄。壽公以峨眉。

領客君子軒木芙蓉盛開分韻得紅字

白煒司節青女戒霜草木落而變衰春秋忽
其代序偶偕勝引往踐蕭辰得之若驚褰芙

蓉於木末懷哉無斃知松柏於歲寒客有誦
韓公叢紅之章或遂舉白傳車斜之例觥籌
多又詩令載嚴記訖賡酬寧無序引

天公富萬有盈宇何充充秋風一搖落所得緣手空忽
於臞悴中覩此寒露叢天然真富貴送盡人間窮雅傳
與騷經凡卉亦見容胡爲抱昭質一盼獨未蒙或訝木
末褻或比水閒紅至近前上處至明日方中碩人亦俛
俛於此猶不逢莫我知矣夫佇立看秋風

重九後三日後圃黃華盛開坐客有論近世菊

歷代大儒詩鈔

卷三十

魏子二

三

采蘭堂

品曰繁未經前人賦詠惟明道嘗賦桃花菊外
此無間焉因相與第其品之稍顯者各賦一品

某探題得桃花菊

南陽有佳人被服長修姱黃中粲有章秀外青無華朝
飲晉柴桑夕餐楚長沙惟與高人處恥作流俗誇元都
有俗士品格固爾差遺之以潘冰強欲相塗搽南陽笑
謝遣於此我何加遊女蕩春風漁人眩紅霞爾比予於
是豈欲相疵瑕卿自用卿法吾亦愛吾家寄聲謝程子
爲我刪此花

張義立^方得古井以木爲甃命曰亨泉而求余

詩

井居安其地井通會其時地維人所宅時乃天之爲方
冬羣動息水德潛清漪而隨春木升環頂沃華滋性情
固下潤功用由上齊音孰若無事中一降一騰之是理
契天運達觀正在茲張侯得水井妙製參皇犧其間相
生意似非俗人知湮廢幾何年而獨與侯期書來屬共
賦此理難下詞但於井之象發我深沉思且如初升五
泰通人所資乃於巽入坎中含兌承離通塞靡自遂睽
歷代大儒詩鈔卷三十
魏子二
十三 采蘭堂

詩

補和李季允皇去秋所寄凌霄觀詩

天高山圍坐露下月滿樓其間倚闌人古今入雙眸戒
哉後時懊迨此先民憂匪緣冀求魚懼易或喪牛瞬息
起萬夫朝暮食千頭金湯蔽遮地我豈爲一州餘功事
層觀聳飛半空浮簾開六合曉杯納萬頃秋燈火背城

市煙霖俯林洲。遐睎到鳴鴻。吟思追馴鷗。寄聲鶴山峨。
奪目珊瑚鈎。因思去年夏。狂魂盡羣遊。婪酣飽溪壑。磊
砢豐渠酋。諸公正錯節。如築于道謀。微君且柔之。尚保
國邑不。岷嶺變帖安。嘖吟起。權謳宜。恢奇傑觀。快此夷
懌。疇獨憂解成。緩萬古同一流。君毋觀上遊。觀上增嘆
愁。南有壺聚。椽西有耕。耨北有不同。方東有不寧。侯
君看此風景。便謂無事休天心。果何如。年運不我留。相
期懋明德。事業貫顯幽。

汪漕使卽梅圃作浮月亭追和古詩余亦補和

歷代大儒詩鈔

卷三

魏子二

古

采蘭堂

一元播羣卉。其氣清如馥。詩人競稱許。胡然於梅獨。黃
宮播雷鼓。玉管動葭轂。惟梅命於陽。清豔照樸藪。正冬
白堆牆。初夏黃遶屋。純乾稟自高。奚止香百斛。又從晏
陰後。仍作來年復。思君爲築亭。揮弄月盈掬。可敬不可
玩。醉語懼三瀆。

送袁都官

甫

知徽州

英英蓬省郎。表表秋官屬。劔佩行青霄。揚且鬢雙綠。掉
頭不肯住。去作新安牧。班班萊氏衣。粲粲學子服。歸來
拜郎罷。堂前問涼燠。新從天上來。猶帶書傳馥。問汝得

人誰袖有兩圖軸。驪龍挾風雨。閃電注兩目。甲絛獨何術。能使同猥鷺。三十六修鱗。羣鯨蕩相逐。亦有曳其輪。中行而獨復。君家名父子。厥理探已熟。人生宇宙間。亦在適所欲。義精無非事。慮澹不翅足。願明消息幾。頤神以養福。遲子寬我憂。書來寄陸續。

送鄭侍郎

損

四川制置分韻得蓋字

恭惟皇上心。納納天同大。明命輟禁游。往撫蜀彫瘵。蜀土在何許。斜陽點鷓鴣。背家住扶桑。東復東。卻望斜陽鐵。山外金頭奴。子扼熙秦銀州兵。馬衝蘭會使我六年望。

歷代大儒詩鈔

卷三十

魏子二

五

采蘭堂

逢安征人穿空枕。戈殺使我千里致。鐘石居人轅釜泣。粗糲縣官無蓄租。百姓無藏蓋上有蒼蒼之高天。卒然叫呼不可待。闔外萬戚休。只以一身佩。我於公行無所贈。筮言得咸爲良兌。艮山本中虛。兌澤乃上漑。獨於九四論心體。而以朋思爲障礙。願公書此象。長於卧興對。蜀道青天蜀平地。君侯一心卽難易。思耕亭前先鄭碑。更看他年後鄭記。

送任大卿逢知漢州張少卿

午

知眉州

冬卿懷紱行清秋。又送南卿歸三州。寄聲三州之父老。

從今安用思故侯。朝廷擇守重於昔。親擢名卿。卑華職。
兩卿更是數。歷深元。把麾來復麾。出雙騎。紫馬去朝天。
羈金絡。月凌虹。煙逶迤。似惜錦障泥。急流欲渡不肯前。
好官豈爲多榮祿。兩卿之歸得吾欲。昨夜流星聲撼屋。
光芒照人不成宿。起看北斗行雲端。驅策四運無停鞭。
旁穿上透多風寒。九州霜露方漫漫。人間分位各有制。
行得一分一分是。兩卿去矣吾亦歸。多爲天公憐赤子。

楊仲傳約生日七月二十四日

金街隆隆曉鐘動。倚馬禁門續殘夢。夢驚風雨搖江霏。

歷代大儒詩鈔

卷三十

魏子二

共

采蘭堂

恍如秋浦哦詩時。覺來絲絲理前緒。猶記平時蟹魚句。
十五年秋池州遇生日大風雨中嘗賦詩云平時雨足鱉魚肥云云是日江風吹倒山船。

頭白浪高黏天。兩家兒女攬衣出。草草杯盤作生日。自
從撲檝趨帝京。二年不見波濤驚。不知風色今安否。但
見朝朝侍明主。銀鞍白馬上。晴空鳴鞘戒仗天。無風朝
回爲君慶。初度才上心。來到秋浦君。今去作什加。俟歸
興如風不可畱。只虞江上風色惡。不似帝城鎮懽樂。高
樓大第插雲霓。烟花眩眼明春暉。吾儕且可飲。勿問尙
書期。爲我歌。毋庸歸。

送杜兵侍 孝嚴 以華文待制知遂寧府

敝貂衝寒馬聲溼。餘杭門外送歸客。去年曾送六朱幡。

揚盧州任漢州張眉州

今年又送四千石。成永康及杜

更有三令相後

先。是時有同時得縣者楊伯洪楊仲博杜陽安

采不盈筐去如織濛濛。風雪

人。氣薄漠漠烟塵劍。花蝕獨立長空倚天壁。幾度乞歸

歸。未得貳卿犖犖天與姿。不肯隨俗相脂韋。聲名早落

虞舜聰。霞裾雲佩明春暉。虞舜已逝不復返。雲埋蒼梧

天地悲萬物興歇各有期。人生出處寧無時。攬裾結佩

下香漢。苟得吾志官無卑。史臣昨侍玉皇案。愛民一語

歷代大儒詩鈔

卷三

魏子二

七

采蘭堂

何孜孜

公性辭日上云卿到蜀中切宜勉力愛民

願公領此深長思。民力竭

矣誰其知。更須同志共此事。則公且去吾亦歸。

送楊仲博 約 歸蜀

江頭送客雪初晴。木葉脫盡山空明。天高地迴著行客。

昂昂野鶴相似清。曉空霜唳三兩聲。扶木枝上陽鳥驚。

豈無枯蚓若殘粒。寧肯俛首雞鶩爭。伊人伊人此爲客。

不是伊人招不得。固有比隣不往來。那能萬里相追逐。

瀟涔江上初戒舟。荆江夏簟赤壁秋。長江鏡滑無纖滓。

致君肝鬲爾許侔。竟成何事客先發。贏得滿頭揜歲月。

丈夫身在復何處。莫作無相見期別。

送張匠監

忠恕

祕閣知贛州

西南間氣忠獻公。一生心事天與通。才高志廣無處著。
獨倚衡疑望關洛。九州風露方漫漫。卷回殘夢歸餘干。
惟將一念遺孫子。長與世閒立人紀。宣公端明今在無。
我生不識慚非夫。寧知中歲遇行甫。歷歷典刑猶父祖。
試從微處覘經綸。中邊玉潔無纖塵。大河滔滔恣羣飲。
逡巡獨惜障泥錦。曉庭戒仗暗無聲。擊纓振鬣時時鳴。
京師邸吏自相語。張公立朝我良苦。不知書疏何所言。
歷代大儒詩鈔

卷三十

魏子二

十八

采蘭堂

每一論奏人爭傳。好名之人能遜國。而於豆羹見詞色。
反覆耐看不可瑕。此事無素能然邪。我從同朝一千日。
見公造次皆是物。寄聲爲賀贛州民。朝廷爲汝輟爭臣。
卻須更問蕭太傅。中朝外郡誰當慮。

約漕使泛舟東郊坐客十人分韻得江字

微雨爽晴昊。柔風煥清瀧。空明山四坐。字靜天八窗。筮
言得幽真。此意誰與雙。使家我風調。賓友俱同腔。高談
風清境。勝韻眠空缸。東西南北人。偶此同一邦。坐數雲
晶晶起。看水淙淙。古今聚散地。浩浩如此江。餘霞照寶

瑟明夜期銀釭。維舟未肯鼓。歸夢驚逢逢。

生朝李肩吾貽詩次韻爲謝

肩吾作詩慶五十。矜我顛躋授之藝。因思五十義最精。造化機緘斯出入。君看五位相生成。前盪後摩如授揮。至於五衍。豈有窮。澤火趨新承。井汲作聖工。夫方自茲。爲人生活。知非急。昔人於此嘆始衰。血氣雖衰義逾集。蹇余不學晚知非。方把斯心驗存蟄。獨嗟道遠莫致之。願與始終謀不及。

次韻李肩吾讀易亭山茶梅

歷代大儒詩鈔

卷三十

魏子二

五

采蘭堂

梅華鶴羽白。茶華鶴頭紅。拱揖鶴山翁。如授宗人同。山間兩賓主。窮極造化工。易終得未濟。曹失觀幽風。或嗟生處遠。不近扶木東。誰知天然貴。正在阿堵中。喧寂四時耳。寒至室斯穹。冷眼看千古。聲色沈非熊。

再賦

淘金亂川綠。發蕘燒山紅。自爲天一隅。奚趨地不同。米賤衣弗費。四民罕全功。功夫到華卉。未至澆淳風。老梅委林莽。洛珮遺丁東。茶華新移根。脫命斤斧中。焉知賈然者。秋毫皆蒼穹。觀物弗之察。吾欲問黃熊。

鶴山書院前爲荷塘三卽其小嶼築亭久矣春
後八日始榜曰芙蓉州

巖風吹衣落南土。手批魍蜮藉封虎。緣山跨谷三千城。
架竹編茆百家聚。天公似爲羈人謀。閉藏佳境城東陬。
介然用之便成圃。下眎更得芙蓉州。水閘木末高下照。
名字旣同形亦肖。自從羸豕伏羣龍。紅白相輝轉明耀。
人隣風雪拘系之。委棄衰草蟠寒泥。誰知炯炯含內美。
正於槁瘁生光輝。大書三字爲吹送。喚起渠陽百年夢。
卻疑二華癡絕人。身旣隱矣名焉用。

歷代大儒詩鈔

卷三十

魏子

子

采蘭堂

再韻

和者盈軸次韻謝之

文華滅質甚塵土。物欲戕生劇豺虎。三年捫舌坐林臯。
日月往來雲散聚。芙蓉自與詩腸謀。雖無顏色媚涂隴。
夢隨春草撩客兒。手抉雲錦分潮州。平生恥作山雞照。
對此忘其爲不肖。爲華破戒哦七字。殆似五噫發梁耀。
李君不爲揜覆之。喚取奚錦披封泥。纜車引出萬絲緒。
衣被山谷春無輝。山中華木迭賓送。人把榮枯同幻夢。
卧看芙蓉生未生。滿目天機供日用。

通道朱宰求時齋字李肩吾賦詩次韻

朱君問時齋爲誦義文書史終伏剝果乾始函坤輿坎
離元藏宅遇復更躋間物理消處息人謀密中疏即茲
貫千古何所非廣居是以無妄時不耕獲畱畬

兄子高斯得赴廷對

九十九峯盡天起家在前峯夕陽裏鬻徭虎豹斷行人
小市寒城淨如水驪傳有客闐然來檻衣視之吾兄子
云從諸侯貢往備天子使來時吾父爲我言女之靖州
問安否靖州苦好修女從得師友世方白首聲利場父
紹子承乃如此柳陰花影春風香喜極無言誓相對家
歷代大儒詩鈔卷三十

魏子二

三 采蘭堂

學既爾殊天資亦云美自淹寂寥無可贈贈以客中一
言止吾聞古之人仕學皆爲己上不可欺其君下不忍
虛其類此豈有爲然凡以自靖耳我之行止命於天上
下四方准豫擬且將自靖獻于君無限功夫歸語爾

丁大監文伯得余近作讀之疾愈以詩見貽

邊巫之南谿水滋山麓石惡不可治崇寧邊臣務廣地
山刊石繼林木斯其閒掌許號爲郡如以土偶安鬚眉
中州人物猶此任纍臣舍是夫何詞況於風氣少疵癘
且幸習俗無澆漓飽餐賤米温舊讀書味雋永忘其疲

坐看歲龍度丑戌。幾見秋月竝虛危。都梁有吏雲端來。
持書火急如符移。美人家在九芙蓉。門牆突兀那可窺。
聯緘參牘夢邪非。一年兩度劃見之。我詩但能愈君疾。
君解與世醫狂癡。乖逢休戚信有命。闕上不使非知醫。

朝字韻詩諸丈倡疇未已再次韻

風挾重陰牛戴牛。電雷雹雪來終朝。詩人隱憂寓疇倡。
清輝錯落欺瑤瑤。似驚一日四變異。須省二氣同根苗。
非陰能勝陽。不競非物能管人。先妖爻精未振。剛受奇。
睢水晝遁成臯。與臯同跳一從憤。怫剛浸長幹。握地軸旋。

歷代大儒詩鈔

卷三十

魏子二

三

采蘭堂

天杓山中不知此何時。祇睹此象心爲焦。纍臣九死何
足恤。頑雲蒼慘天關遙。澤中但知賦鴻鴈。天上無復歌
祈招。二音醲頭新酒空似清。牆根新薺花如驕。便思傾壘
茗鮮鮒。不妄爲取琴徽調。江張程子同一醉。芳草爲藉
天爲褥。干戈滿地不忍見。恐調老弱征商輅。

湖北提刑林寺丞岳赴召以封索詩

鏃金伐鼓催行舟。欄街祖帳雲如稠。祥刑使者入奏事。
詔書趣發不可留。居人爭門挽衣住。行人十步九回顧。
公言爲汝五年留。便是數旬終一去。居人向前爲公語。

情知不是留公處。一春風雨寒。淒淒牛羊滿地。鴻酸嘶
乾坤。爾濶無處著。惟有此地。恬不知桑麻。雞犬挑谿曲。
身住主家。數椽屋。臥聽前江風雨聲。自嗟身是如天福。
公今歸去作大官。連雲廣廈千萬間。我時豈不被公賜。
天高卒卒難爲攀。吾儕小人腹。不憚再公祝。公今攬轡
行原溼。澤地相臨看不足。明朝歸坐京師宅。深院重門
壅休戚。願公莫爲一身惜。須念同胞頭戢戢。春風湔淚
情轉惻。道旁過者聲喑喑。我時困臥五谿東。一日八九
陰濛濛。有來道前事。耳目爲惺忪。更將百壺扶醉膽。喜
歷代大儒詩鈔

卷三

魏子二

三

采蘭堂

餘鼻息陵煙虹。欲輸一言不能措。以公所聞還贈公。
九月分韻得寒字

奇月必用重。誰與開其端。貴陽而賤陰。於此亦可觀。況
於五陰後。蒼龍挂高寒。林疏山骨瘦。宇靜天容寬。卒然
遇九九。黃菊紛爛斑。且開五言成。聊寄一夕懽。妻其義
熙後甚矣。天寶閒。陶杜千古心。知者良獨難。

送吳門葉元老歸浮光

子以鷙愚抵戾放之蠻荆去國之日自邇臣百執事
下至博士弟子員都人士祖帳餘杭門外連日不絕

臨安尹白宰相致餽畫具四大舟送至丹陽所過監
司帥守將迎如它日予謝以疾而不得免焉入靖靖
守洪文惠公之孫倬遇之如使客而有加四方之賓
友從游者日至行李之間無虛月也予皆固謝弗聽
吳門葉元老識度器藻夔出儗類嘗受學于陸伯微
具有師法所交多天下賢士予因陳正父識之傾蓋
如舊交一日匹馬數童來自浮光爲予數月雷每旦
聚友讀書元老從容出一詞率中要會談古今治亂
人物優劣山川險易下至甲兵良窳米粟少多之數

歷代大儒詩鈔

卷三十

魏子二

三

采蘭堂

皆探原索委蓋有志之士也予每閱前史凡喪人遷
客必使守隸防夫極之於其所往至則敲門掃軌屏
去書謁人或追送而遠省焉則史冊必書之爲美談
其在今日不惟不加之譴或返以是見稱於時賢見
用於當世嗚呼非從事於學志立而氣彊者不能辨
此非祖宗仁厚之積縣世歷禩愈蓄愈深亦無以致
此元老將歸省其伯氏乃與其學之士酌酒餞行各
爲七言古詩一章予爲序所以作云

籠標之南路窮絕峩峩羣峯倚天脅頑雲壓谿鳶跼翅

很石橫空馬溝血。葉君尺箏度崔嵬。朱霞白鶴雲端來。
蠻邦自惜少此客。問此胡爲何來哉。曉窗共話羲文易。
千古聖賢心歷歷。有時舊習未全忘。閒倚銀河弄詩筆。
銀河化作霜。霰飛蒼龍移入天。之西彭城風雨撩客夢。
君起謂我吾其歸。牛羊凍臥鴻酸嘶。九州博大君安之。
人生行止各有時。願崇明德慰遠思。

贈造琴道士劉發雲劉亦解致雷

劉師攜琴來。自言有術驅雷霆。聞之輒然笑。人心未動
誰爲聲。陽居陰位。陽行逆日。循陽度日。數羸必嘗凝。聚
歷代大儒詩鈔卷三十
魏子三
五 采蘭堂
乃奮擊。不有降施。誰升騰。劉師攜琴來爲我鼓。一再行。
若知雷霆起處起。便知音是人心生。

洪士龍以洪舜俞考功所作竹洲精舍記見問
考功記竹洲所業在淇澳。謂學與自修。此何取于竹。士
龍來諭余。試請言其目。天地之大端。松篁受命獨。陰陽
迭盈虛。表裏更見伏。厥象肖坎離。厥理寓姤復。榆杏柞
與檀。四序所以木。此獨貫四時。不受寒暑觸。示人人不
察。但識霜更綠。誰能淇之上。興寓三反覆。形氣元發明。
顯微相貫屬。嗟余粗知方。倚杖看不足。安得兩洪君。試

同烟露宿。

和靖州判官陳子從山水圖十韻

予遷靖州判官陳子從珪為隣嘗從容出示

靈竹僧不二山水圖其末有乃祖乃父詩凡

十首前賢風裁邈不可及聊次韻以識高山

士非林景行之仰云

外物羈繫人無退亦無遂愧彼自由身朝發予夕至

水月皆右彭蠡歸舟

山堂有何觀四時互興歇萬物隨天根東生復西滅

歷代大儒詩鈔卷三十

魏子二

采蘭堂

右山堂曠望

水月皆內景入秋倍清暉世無善觀者滔滔吾誰歸

右重湖汎月

士非耕釣者而從蓑笠翁人生貴適志莘渭亦時中

右星灣晚酌

澤氣蒸前山起自膚寸微競看千丈瀑不晤片雲飛

右雨後觀瀑

松柏不受彫此亦易知耳須看竹有筠與松相表裏

右松徑晚步

莫作流看谿。天命無窮已。詩人若知得。千古可坐致。
右谿上賦詩

散髮避炎暑。炎暑苦相尋。云何對大資。不見汗沾襟。
右林下避暑

松竹貫寒暑。而梅時往來。不知復妬意。隨人漫徘徊。
右載酒尋梅

懷人得清晤。此樂浩無期。剡谿興盡返。未喻伐木詩。
右雪中訪友

過屈大夫清烈廟

歷代大儒詩鈔

卷三十

魏子二

七

采蘭堂

鸞皇棲高梧。那能顧鴟梟。椒蘭自昭質。不肯化艾蕭。人生同一初。氣有善不善。一爲君子歸。寧受流俗變。云何屈大夫。屬意椒蘭芳。蘭臯並椒植。不妨薦椒漿。騷中興歌首。蘭必以椒對。謂椒其不芳。謂蘭不可珮。此言混凡卉。臭味自爾殊。云何歲時改。二物亦變初。以蘭爲可恃。委美而從俗。椒亦佞且惰。干進而務入。椒蘭信芳卉。氣質自堅好。胡爲壞於延。晚節不可保。意者王子蘭與夫。大夫椒始亦稍自異。久之竟蕭條。迨其習成性。甘心受蕪穢。不肯容屈原。寧以宗國斃。禹臯於其工。旦封於鮮。

度同根復並生。何嘗改其故。原非不知人。觀人亦多塗。
治朝中可上。亂世賢亦愚。况原同姓。卿義有不可去。
所望於兄弟。謂其猶可據。我本兄弟女。孰知吳越子。以是
觀離騷。庶幾原心乎。或云芷蕙等。豈必皆名氏。騷者詩
之餘。毋以辭害意。仲尼作春秋。定哀多微詞。楚之嬖小
臣。况亦有不知。

壽四川制置李侍郎

崧高二王德。豐水數世仁。一心千古脈。一氣三才根。人
言通德門。封培知幾春。陵州不盡用。雖國非全神。厥美
歷代大儒詩鈔卷三十

魏子二

三

采蘭堂

鍾在季。魯殿歸然存。誰知中興主。流澤被子孫。是用遺
一老。爲社稷萬人。三朝典刑舊。四海觀聽新。自公鎮西
南。邊人懾威武。棄地遄歸疆。餘民亦安土。便當度雙劍。
建大將旗鼓。進賢黜不衷。討貳誅失伍。增屯御驕卒。募
耕實邊圉。堂堂當道臥。一勇錯百侮。願公排羣議。釋我
分外慮。上流屹長城。卻歸輔明主。

送高才卿出守嘉定

次東坡送
張嘉州韻

十年誰遣不寧侯。鷹奔鳥散十七州。餘州蹙蹙能幾許。
史君今作載酒遊。諸公飲儻已濡首。眼前百事不挂口。

震風凌雨揭。卻屋左。蟹右杯。猶在手。史君千騎行清秋。
豈爲杯酒饑涎流。綢繆牖戶既云晚。夢魂不到花繞樓。
乖逢聚散古來有。而我此時持此酒。河梁竚立不知還。
插領青絲半成叟。

中秋領客

中秋無常期。月望無常歷。況於月之房。歲十有二集。云
何三五夜。賞翫著今昔。我觀魏晉前。未有娛此夕。豈由
夕月禮。承訛變淫液。天行至東北。陽外乃朝日。日月向
南來。三務趨朔易。則於陰之反。順時報陰魄。古人敬天
歷代大儒詩鈔卷三十 魏子二 采蘭堂
運。隨處察消息。俗學踵謬迷。更以儼科級。廣寒八萬戶。
桂樹五千尺。文人同一辭。祇以驚俗客。墨墨數百年。月
如有寃色。爲作反騷吟。聊以補載籍。

游北巖之疇昔夢作二詩覺而僅記一聯云鬢
髮絲絲半已華猶將文字少年誇明日爲客誦
之客十三人請以是爲韻予分鬢字

時事彫壯心。詞華誤雙鬢。昨夢忽做子。覺來起孤憤。五
官予所司。此夢乃子訓。見心協蒼龜。是氣通禔輝。形骸
具不察。理性益難盡。曉笈度雲壑。疏林露鷹隼。暮歸踏

江聲寒流燭蛟蜃。惕思懷曩日。氣勢如項陳。天根忽晨見。卷去不盈瞬。猶然玩文采。吾果不知分。羣飲習未忘。依前賦分韻。

端平三年春三月戊午朔天子有詔俾臣了翁以僉書樞密院奏事既上還山之請乃休沐日丁丑與賓佐謁濂溪先生計賓主凡二十有二謂是不可無紀也遂以明道先生雲淡風輕之詩分韻而賦詩有二言有四言同一韻者則二客賦之了翁得雲字

歷代大儒詩鈔

卷三十

魏子二

三

采蘭堂

書生不知分。奉詔行三軍。赤手張空拳。幸脫貔虎羣。四海蓮華峯。濂溪張清芬。擬求一勺水。浣我三斗塵。翠澗明夕霏。晴雲盪朝氛。重上夫子堂。聲咳如有聞。池蓮已濯濯。庭草長忻忻。重惟夫子書。千古披昏氛。善惡蒙一幾。陰陽元而分。一落俗儒喙。噉噉齒穿根。流傳豈不廣。世道滋放分。書生屢乞骸。歸耕故山雲。願言與同志。相期任斯文。

贈畫工王三錫傳神

氣質紛不齊。四海無似人。藉令貌相近。氣有醇不醇。善

觀人品者。儀觀與機神。正邪眸子見。善惡眉間分。且如
孔與虎。二人自非倫。而虎類孔子。俗眼何昏昏。古人有
夢遇。便知爲良臣。又有記眉目。曉然得其真。此須以神
會。難與淺者論。王生歸爲我。試與司寇君。此理充得去。
三代同此民。

江南楊州府梅花書院孝廉堂受業諸子重校

歷代大儒詩鈔

卷三十

魏子二

三

采蘭堂

歷代大儒詩鈔卷三十

